

ქალაქ ქუთაისის მუნიციპალიტეტის საკრებულოს  
გ ა ნ კ ა რ გ უ ლ ე ბ ა

ქალაქი ქუთაისი

2024 წელი

ქალაქ ქუთაისის მუნიციპალიტეტის საკრებულოს საფინანსო-საბიუჯეტო კომისიის  
ანგარიში 2023 წლის ივლისიდან 2024 წლის ივლისამდე გაწეული მუშაობის შესახებ

საქართველოს ორგანული კანონის „ადგილობრივი თვითმმართველობის კოდექსი“ 28-ე მუხლის მე-3 პუნქტისა და „ქალაქ ქუთაისის მუნიციპალიტეტის საკრებულოს რეგლამენტის დამტკიცების შესახებ“ ქალაქ ქუთაისის მუნიციპალიტეტის საკრებულოს 2014 წლის 14 ივლისის N1 დადგენილების დანართის 26-ე მუხლის მე-2 პუნქტის „ი“ ქვეპუნქტის საფუძველზე:

**მუხლი 1.** შეფასდეს დამაკმაყოფილებლად ქალაქ ქუთაისის მუნიციპალიტეტის საკრებულოს საფინანსო-საბიუჯეტო კომისიის ანგარიში 2023 წლის ივლისიდან 2024 წლის ივლისამდე გაწეული მუშაობის თაობაზე.


(საკრებულოს საფინანსო-საბიუჯეტო კომისიის ანგარიში 2023 წლის ივლისიდან 2024 წლის ივლისამდე გაწეული მუშაობის თაობაზე წინამდებარე განკარგულებას თან ერთვის)

**მუხლი 2.** განკარგულება შეიძლება გასაჩივრდეს, კანონით დადგენილი წესით, ქუთაისის საქალაქო სასამართლოში (ვ.კუპრადის ქუჩა №11), მისი გაცნობიდან ერთი თვის ვადაში.

**მუხლი 3.** განკარგულება ძალაში შევიდეს კანონით დადგენილი წესით.

ბ.მახარაძე

საფინანსო-საბიუჯეტო კომისიის თავმჯდომარე




მ.სვინტარაძე

საკრებულოს აპარატის მეორედი სტრუქტურული ერთეულის ხელმძღვანელი-იურიდიული განყოფილების უფროსი



ი.ქორჭოლიანი

საკრებულოს აპარატის უფროსი



საკრებულოს თავმჯდომარე

ირაკლი შენგელია

## ანგარიში

ქალაქ ქუთაისის მუნიციპალიტეტის საკრებულოს საფინანსო-საბიუჯეტო კომისიის მიერ 2023 წლის ივლისიდან 2024 წლის ივლისამდე გაწეული მუშაობის შესახებ

ქალაქ ქუთაისის მუნიციპალიტეტის საკრებულოს საფინანსო-საბიუჯეტო კომისია თავის საქმიანობას ახორციელებს საქართველოს ორგანული კანონის „ადგილობრივი თვითმმართველობის კოდექსი“ შესაბამისად, საკრებულოს რეგლამენტით, ქალაქ ქუთაისის მუნიციპალიტეტის საკრებულოს საფინანსო-საბიუჯეტო კომისიის დებულებითა და სხვა ნორმატიული აქტებით.

საკრებულოს საფინანსო-საბიუჯეტო კომისია აქტიურად არის ჩაბმული საკრებულოს სამუშაო პროცესში, მონაწილეობს საკრებულოში შემოსული პროექტების განხილვაში, ამზადებს შენიშვნებს, რეკომენდაციებს, დასკვნებს და შემდგომში მიღების მიზნით გადასცემს შესაბამის ორგანოებს.

კომისია შედგება 15 წევრისაგან.

საფინანსო-საბიუჯეტო კომისია აქტიურად იყო ჩართული ქალაქ ქუთაისის მუნიციპალიტეტის 2024 წლის ბიუჯეტის ფორმირებასა და ქუთაისის მუნიციპალიტეტის საშუალოვადიანი პრიორიტეტების დოკუმენტის განხილვაში. 2024 წლის ბიუჯეტის პარამეტრების ფორმირებისას კომისიამ სამუშაო შეხვედრებში, სამსახურებთან მიიღო მონაწილეობა პარამეტრების შეთანხმების პროცესში.

2024 წლის ბიუჯეტის მეორე (საბოლოო) ვარიანტში აისახა კომისიის შენიშვნები და რეკომენდაციები, რომელიც შემუშავდა 2023 წლის 24 ნოემბრის ხდომაზე წარმოდგენილი ბიუჯეტის პირველი ვარიანტის მიმართ. მიმდინარე წლის ბიუჯეტის საბოლოო ვარიანტს დადებითი რეკომენდაცია მიეცა 2023 წლის 25 დეკემბრის კომისიის სხდომაზე და მომზადდა შესაბამისი დასკვნა.

მუშაობის კოორდინირების მიზნით კომისიამ შეიმუშავა და დაამტკიცა 2024 წლის 30 იანვრის სხდომაზე დაამტკიცა სამუშაო გეგმა, რომელიც გახდა



კომისიის ძირითადი სამუშაო დოკუმენტი. გეგმის მიხედვით, კომისიის სხდომებზე პერიოდულად იხილებოდა ანგარიშვალდებული ორგანოებისა და თანამდებობის პირების განვლილი პერიოდის საქმიანობა და სამომავლო პერსპექტივები.

წინასწარ ცნობილი განრიგის მიხედვით, ანგარიშვალდებული ორგანოები კომისიაში წარმოადგენენ ინფორმაციას, რომელიც განხილვის მიზნით, ეგზავნებათ კომისიის წევრებს.

საანგარიშო პერიოდის განმავლობაში, ჩატარდა საფინანსო-საბიუჯეტო კომისიის 14 (თოთხმეტი) სხდომა. მათზე განხილულია 43 (ორმოცდასამი) საკითხი.

ჩატარებული ყველა სხდომა იყო საჯარო.

ჩამოთვლილი ან გადადებული არ ყოფილა საფინანსო-საბიუჯეტო კომისიის არც ერთი სხდომა.

ყველა მათგანზე იყო მოწვეული აღმასრულებელი ორგანოს წარმომადგენლები.

საანგარიშო პერიოდში კომისიამ იმსჯელა შემდეგ ძირითად საკითხებზე:

1. მომზადდა წინადადებები და რეკომენდაციები ქალაქ ქუთაისის მუნიციპალიტეტის 2024 წლის ბიუჯეტის და შესახებ და მიეწოდა ქალაქ ქუთაისის მუნიციპალიტეტის მერიას;
2. განიხილა და შეაფასა მუნიციპალიტეტის 2023 წლის ბიუჯეტის შესრულების შედეგები და წარადგინა შესაბამისი წინადადებები;
3. საანგარიშო პერიოდში განხილულ იქნა ბიუჯეტის 4 ცვლილება. აქედან, 2023 წლის ბიუჯეტს შეეხო ორი (მეოთხე და მეხუთე ცვლილება), ხოლო მიმდინარე წლის ბიუჯეტის მიმართ განხილულ იქნა ასევე ორი ცვლილება (პირველი და მეორე). ყველა ცვლილებაზე კომისიის მიერ მომზადდა და საკრებულოს მიეწოდა დადებითი დასკვნა;

4. განხილულ იქნა ქუთაისის მუნიციპალიტეტის 2023 წლის ინფრასტრუქტურული პროექტები, 2024 წლის ბიუჯეტში ინფრასტრუქტურული პროექტების მოცულობები და მათი მოსალოდნელი სოციალურ-ეკონომიკური ეფექტიანობა;
5. კომისიის მიერ მომზადდა და მიეწოდა საჯარო ინფორმაციები სხვადასხვა არასამთავრობო ორგანიზაციებს მათი მოთხოვნის საფუძველზე (როგორც საკრებულოს მიერ მომზადებული კრებსითი ინფორმაციის ნაწილი);
6. მოსმენილ იქნა ქუთაისის მუნიციპალიტეტის მერიის და თვითმმართველობის მიერ დაფუძნებული ორგანიზაციების ანგარიშები: (ეკონომიკური განვითარების, ადგილობრივი თვითმმართველობის ქონებისა და ტრანსპორტის მართვის სამსახურის, სივრცის დაგეგმარების, ძველთა დაცვისა და სამშენებლო ნებართვების სამსახური, კულტურის, სპორტის, განათლების და ახალგაზრდობის საქმეთა სამსახური, სოციალურ საკითხთა სამსახური, საფინანსო პოლიტიკისა და სახელმწიფო შესყიდვების სამსახური, მუნიციპალური და საბინაო ინფრასტრუქტურის განვითარების სამსახური, ა(ა)იპ ქუთაისის კულტურულ, სახელოვნებო, საგანმანათლებლო დაწესებულებათა გაერთიანება, შპს „ქუთაისის სატრანსპორტო კომპანია“, ა(ა)იპ „მადლიერების სახლი“, ა(ა)იპ „ქუთაისის ბაგა-ბაღების გაერთიანება“, ა(ა)იპ ი.ჭავჭავაძის სახელობის საჯარო ბიბლიოთეკა, ა(ა)იპ „სპორტულ დაწესებულებათა გაერთიანება“, ა(ა)იპ "სპეციალური სერვისები", ა(ა)იპ "ქუთაისის სერვისი", ა(ა)იპ „მუნიციპალური ინსპექცია“, ა(ა)იპ „ფოლკლორის ცენტრი-სიმღერისა და ცეკვის სახელმწიფო ანსამბლი“, ა(ა)იპ „ქ. ქუთაისში საზოგადოებრივი ჯანმრთელობისა და უსაფრთხო გარემოს უზრუნველყოფის ცენტრი“, შპს "ქუთაისის მე-4 შერეული პოლიკლინიკა“, შპს „რამაზ შენგელიას



სახელობის სტადიონი", შპს "საფეხბურთო კლუბი „მართვე“, ა(ა)იპ ქუთაისის ხელბურთის კლუბი „ქუთაისი -2015“) განვლილ/საანგარიშო პერიოდებში გაწეული მუშაობის შესახებ;

7. საანგარიშო პერიოდის განმავლობაში საფინანსო-საბიუჯეტო კომისიამ მჭიდრო თანამშრომლობა განახორციელა და აქტიური სამუშაოები წარმართა USAID-ის პროგრამასთან დოკუმენტის „ქ.ქუთაისის მუნიციპალიტეტის საკრებულოს საფინანსო-საბიუჯეტო კომისიის სტრატეგია და სამოქმედო გეგმა (2024-2025 წწ.)“ ფორმირებასთან დაკავშირებით. აღნიშნული დოკუმენტი კომისიამ დაამტკიცა მიმდინარე წლის 25 მარტის სხდომაზე;
8. მიმდინარეობს მუშაობა და წინადადებების მომზადება ქალაქ ქუთაისის მუნიციპალიტეტის საკრებულოს საფინანსო-საბიუჯეტო კომისიის დებულებაში შესატან ცვლილებებთან დაკავშირებით;

საანგარიშო პერიოდში საფინანსო-საბიუჯეტო კომისიამ მერიის ცალკეული სამსახურების და მერიის მიერ დაფუძნებული ააიპ-ების/შპს-ების ანგარიშების განხილვის და ანალიზის შედეგად მოამზადა და სარეკომენდაციო წერილებით მიმართა ქალაქის ხელმძღვანელობას სხვადასხვა საკითხებზე.

**საფინანსო-საბიუჯეტო კომისიის შემდეგი საანგარიშგებო პერიოდის ძირითადი პრიორიტეტებია:** 2023 წლის ბიუჯეტის შესრულების მონიტორინგთან დაკავშირებულ სამუშაოებში მაქსიმალური ჩართულობის უზრუნველყოფა; საკრებულოსათვის დასკვნების წარდგენა კომისიის კომპეტენციას მიკუთვნებული სამართლებრივი აქტების პროექტებთან დაკავშირებით; ქალაქ ქუთაისის მუნიციპალიტეტის მერიის შესაბამისი სამსახურების მონიტორინგი და ანგარიშგება (მათ მიერ ცალკეული პროგრამების განხორციელების მიმართულებით); სამართლებრივი აქტის პროექტების მომზადება და საკრებულოსათვის წარდგენა; ძირითადი პრობლემატური საკითხების შესწავლა-გაანალიზება შემდგომი რეაგირებისათვის, საჭიროების შემთხვევაში

საკრებულოს სხდომაზე განხილვის მიზნით; 2024 წლის ბიუჯეტის საორიენტაციო პარამეტრების შემუშავებაში მაქსიმალური ჩართულობის უზრუნველყოფის ხელშეწყობა; მჭიდრო თანამშრომლობა და აქტიური სამუშაოების წარმართვა USAID-ის პროგრამასთან დოკუმენტის „ქალაქ ქუთაისის მუნიციპალიტეტის საკრებულოს საფინანსო-საბიუჯეტო კომისიის სტრატეგია და სამოქმედო გეგმა 2023-2025“ შემდგომ რეალიზაციასთან დაკავშირებით; ფიზიკურ და იურიდიულ პირთა განცხადებების განხილვა, მათზე სათანადო რეაგირება.



ბ.მახარაძე  
საკრებულოს საფინანსო-საბიუჯეტო  
კომისიის თავმჯდომარე